

ЦИЙИ ЙИС МУБАРАКРАЙ!



САМУРДИН СЕЕ

«Магъарамдхуърун район» МР-дин общественно-политический газет.
Общественно-политическая газета МР «Магарамкентский район».

Тешкилайди: «Магъарамдхуърун район» МР.

Газет 1951- йисалай акъатзава. № 1 (7717) хемис, 1- январь, 2015- йис. Къимет 6 манат.

ЦИЙИ ЙИСАН ТЕБРИК



ГЪУЪРМЕТЛУ РАЙОНЭГЪЛИЯР!

КВЕЗ ЦИЙИ ЙИС МУБАРАКРАЙ.

Цийи йисан сувар им неинки хъсан умудрин ва гуъзлемеишзавай шад хабаррин вахт, гъак! цийи крарик къил кутазвай легъзени я. Гъавилай чна и сувар михъи гъиссер ва члехи умудар аваз къаршиламишни ийизва. Адавай хъсанвилехъ дегишвилер гуъзлемеишзава.

Къуй 2015 –йис вири районэглияр патал агалкъунринди ва бегъерлу къвалахдинди, шад ха-

барринди хъурай. Къуй куь эрзиман мурадар ва умудар къилиз акъатрай, куь хъсан фикирар ва планар уьмуърдиз кечирмиш хъурай!

Къуй квехъ мягъкем сагъвал, ислягъвал, бахтар ва хушбахтвал хъурай!

**«Магъарамдхуърун район» МР-дин къил,
Райондин Собраниедин председатель
Фарид АГЪМЕДОВ.**





УВАЖАЕМЫЙ ФАРИД ЗАГИДИНОВИЧ!

ПРИМИТЕ мои искренние поздравления с наступающим Новым годом! Этот праздник мы всегда встречаем с самыми светлыми чувствами и надеждами. И какие бы планы мы ни строили, каждый из нас осознает, что они напрямую связаны с благополучием нашей великой Родины.

Сегодня мы стремимся изменить облик Дагестана, который только нашими общими усилиями может стать успешным и благополучным регионом Российской Федерации. А главное, мы должны хранить незыблемые ценности единства, верности традициям предков и своей судьбе быть вместе с Россией как в дни больших побед, так и в сложные периоды истории. Для нас это чрезвычайно важно!

Пусть наступающий 2015 год станет для Вас и Ваших близких временем мира и созидания, новых свершений и добрых перемен.

Желаю Вам крепкого здоровья, мира и благополучия.

Глава Республики Дагестан Р. АБДУЛАТИПОВ.



2014- ЙИС. АМ ЧУН ПАТАЛ

Фарид АГЪМЕДОВ,
«Магъарамдخورyyn район» МР-дин кыл,
Райондин Собраниедин председателъ.

2014-ЙИС тарихда гьатна. Цийи йис алуькна. Им чун феи рекъиз са вил вегьедай, йисан кваллахдин нетижаяр къадай, цийи планар ядай вахт я. Алатай йис район, районэгълияр патал гьихътинди хъана, чалай вуч ийиз алакьна?

«Магъарамдخورyyn район» МР-дин администрацияди вичин кваллахда кылин фикир экономика вилик финин ериш явашар тавуниз, муниципальный райондин бюджет дурумлувилелди ацлурун патал карчивилин ва инвестициярин активвал кажуниз, социальный хиле гьалар хъсанаруниз, райондин агъалийрин яшайиш санлай къулайди авуниз гана. Муниципальный райондин чкадин самоуправлениедин органрин вири кваллах Дагъустан Республикадин Кыли тайинарай вилик финин эвелимжи проектрихъ галаз къадайвал тешкилна.

Виликамаз къунвай гьисабунри къалурзавайвал, алатай йисуз райондин экономикадин вири хилер бегьерлуди хъана. Чалай тайинарай планар асул гьисабдай кылиз акъудиз алакьна.

Районда промышленный производстводин члехи пай гъвечи карчивилин субъектрал ацалтзава. Промышленный политикадин кылин гележег авай тереф районда промышленный

инвестиционный проектар уьмуьрдиз кечирмишун яз тайинарнава.

Чахъ карчивал, гъвечи бизнес вилик тухудай мумкинвилер ава. Чун абурукай тамамвилелди менфят къачуз чалишмиш жезва. Районда гъвечи ва юкъван карчивал вилик тухудай центр ва фонд кардик ква. Гъвечи бизнесдал машгъул жезвайбуруз райондин ва республикадин бюджетрай хуси кар квачел акъалдарун патал куьмек кар гузва. Гъвечи карханайрин ва карчийрин къадар къвердавай артух жезва.

Гъвечи бизнесди кваллахдин цийи чкаяр яратмишун, бейкарвиллин дережа агъуз вигьин, социальный атлугъайвални агъузарун хътин важиблу месэляяр гьализ куьмек гузва. Районда гъвечи карчивилин 96 карханади ва 920 кылдин карчиди кваллахзава.

Потребительский рынок экономикадин вири обществодин уьмуьр таъминарзавай секторрикай сад я. Ам шейэр кура-кура маса гудай туьквенрин, общественный туьнрин ва яшайишдиз къуллугъ ийидай карханайрин сетдикай ибарат хъанва. Ина кылин чка алишверишди къазва. 2014- йисуз кура-кура шейэр гун 2013- йисав гекъигаила 578,5 агъзур манатдин артух хъана. Акъатай йисуз райондин агъалийриз 178 миллион манатдин къуллугъар авуна.

Районда яшайишдин квалер

эцигунин, абур ишлемишиз вахкунин кваллахни йигин еришралди давам хъана. 2014- йисуз яшайишдин 13500 квадратный метр майдан кардик кутуна. Им 2013- йисалай 8 процентдин гзаф я. Образованиедин системадани гьалар къвердавай хъсан жезва. Республикадин инвестиционный программадин такъатрин гьисабрай Чахчахкъазмайрин хуьре 320 ученикдин чка авай школадин дараматдин эцигунар акъалтарна ва ам ишлемишиз вахкана. Самур хуьре 504 ученикдин чка авай школадин дараматдин эцигунар давамарна. Кылдин инвестициярин гьисабдай Приморск ва Билбил хуьрерин школадин дараматар ва Билбил хуьре аялрин бахча эцигунин кваллахар давам хъана.

Райондин экономикада хуьрун майишатди кылин чка къазва. Вилкан йисарилай тафаватлу яз, ам къазанжияр гьидай хилез элкьуьн хъувунва. Адан дибда багъманчивал, уьзюмчивал, майвачивал, малдарвал ава.

Алатай йисуз эвелимжи «Точки роста», инвестиции и эффективное территориальное развитие» проект уьмуьрдиз кечирмишуниз къетлен фикир гана. Ихътин точкаяр яратмишунив чкадин къетленвал фикирда къуна эгечна. Чахъ хуьрун майишатда уьзюмчивал, малдарвал, теплицайрин майишат, интенсивный жуьредин багъманчивал хътин секторар вилик тухун патал хъсан шартлар ава. Абурукай менфят къачуз чун чалишмишни жезва, багъларин, уьзюмлухрин майданар гегьеншарзава.

ЦИЙИ ЙИСАН ТЕБРИКАР

ГАЗЕТДИН ДАЯХРИЗ

ГЪУЪРМЕТЛУ мухбирар! Квез 2015-йис мубаракрай! Чахъ галаз гъил-гъиле къуна бегъерлувилелди квалалах авунай чухсагъул. Квехъ чандин мягъкем сагъвал, гележегдихъ инанмишвал, хъсан гуьгъуьл, яратмишунрин квалалахда агалкъунар, хизанда хушбахтвал хъун чи мурад я. Чна Цийи йисуз алакъяар мадни мягъкем жедайдахъ умуд кутазва



«САМУРДИН СЕС»
газетдин коллектив.



ГАЗЕТ КІЕЛЗАВАЙБУРУЗ

ГАЗЕТ келзавай гъуьрметлу районэгълияр! Квез Цийи йис мубаракрай! Къуй ам куьн патал сагъвал галайди, мублагъди, фикирдиз къачунвай крар къилиз акъатдайди, газетдай анжах шад ва хуш хабарар келдайди, газетдинни ам келзавайдан алакъяар мадни мягъкем жедайди хъурай.

Дуьшуьшдикай менфят къачуна 2015-йис патал газет хъинин компанияда жумартлувилелди иштиракай вири районэгълийриз, Цийи йис патал газет хъинив и кардин важиблувал фикирда къуна эгечлай вири руководителприз риклин сидкъидай чухсагъул лугъузва.



«САМУРДИН СЕС»
газетдин коллектив.

ГЪИХЪТИНДИ ХЪАНА?



Къилди къачуртла, уьзюмлухар кутун патал «Дербентдин чехирдинни коньякдин завод» ЗАО патал 253 гектар чилин участок чара авунва.

Дербентдин коньякдин комбинатди «Гоганский» ОПХ-дихъ (Азадогълийрин хуьр) галаз санал 153 гектарда уьзюмлухар кутуна.

Шаз санлай 183 гектарда цийи уьзюмлухар кутунва.

Малдарвал вилик тухунин рекъяй эвелимживал къушчивал вилик тухуниз гузва. 2014-йисуз Уружбайрин хуьре йиса чан аламаз 4500 тонн верчерин як гудай къушарин комплексдин эцигунар давам хъана. И эцигунрин инвестициярин къадарди 830 миллион тешкилзава. Ам кардик акаатайла 200 касдиз квалалахдай чкаяр жеда.

Чна малдарвилин фермаяр эцигун патал инвестициярин майданар гъазуруниз чехи фикир гузва.

Йисан къайи вахтарани майва-яр битмишарун патал типлицайрин майишатар тешкилзава. Районда гъеле 5 гектардин майданра теплицайрин майишатри квалалахзава. Хъартаскъазмайрин хуьре «Ярки-Агро» ООО-ди 2,3 гектардин майдандал теплица эцигиз башламишнава. И объектдин инвестициярин умуми къадарди 80 миллион манатдихъ агакъна тешкилда. Уружбайрин хуьре «Гранит» СПК-ди 4 гектарда гзаф бегъер гудай багъ кутунва. И багъ стлал –стлал дугун фикирдиз къачунва.

Винидихъ къейд авурвал, райондин экономикада хуьруьн майишатди къилин чка къазва. Гъавиляй чи вири къуватар виликан машгъурвал хкуниз гузва. Алай вахтунда рай-

онда 4582 гектарда багъалар ва 1860 гектарда уьзюмлухар эклий хъанва. Абурун чехи пай цийиз кутунвай фад бегъердал къведайбур я. Гзаф чкайра дугунин цийи технология ишлемишзава. Чилел машгъулбуруз квалалахдин къулай шартлар тешкилуниз районда къилин фикир гузва. «Нетижалу АПК» проектдин сергъятра аваз арендаторрихъ ва КФХ-рихъ куьмекар агакъзава.

Эгер районда хуьруьн майишат са шумуд йис идалай вилик авай гъалдиз вил вегъейтла, районэгълийрин зегъметдалди хъсанвилехъ арадал гъанвай дегишвилер къатлун четин туш. Гзаф дуьдуьшра яргъи ихтилатрилай къуру рекъемри ачухдиз лугъуда. Райондин зегъметчийри 2014-йисуз 25 агъзур тонн емишар, 12500 тонн ципицлар, 78000 тонн салан майваар (помидорар, халияр, картуфар) къватна.

Районда багъларилай, уьзюмлухрилай ва саларилай гъейри дамах ийидай девлетар гзаф ава. Абуру хуьн, абурукай карчивилелди ва тамамвилелди менфят къачун чи буржи я. Гъа и буржи къилиз акъудунив чун рикливай эгечли авунва.

Азадогълийрин хуьре «Долина Самура» ООО-ди балугъар туюретмишдай фермадин эцигунар башламишнава. Ярагъкъазмайрин хуьре консервийрин продукциядин производство ва тлебии минеральный столовый яд къапара цадай цех кардик кутунва. Абурун инвестициярин умуми къадарди 63 миллион

манат пул тешкилна. Гъа карханайра 50 касди квалалахдай чкаяр арадал атана. Ярагъкъазмайрин хуьре гъакл чехирдин заводдин эцигунарни акъалтларна. Аниз атай инвестициярин къадарди 25 миллион манатдилай гзаф тешкилна, гъакл квалалахдин цийи 25 чка арадал атана.

Буткъазмайрин хуьре къилдин карчиди шекердин песок гъялдай гъевчи завод эцигна акъалтларна. И объектдиз авунвай инвестициярин къадар 20 миллион манатдихъ агакънава. Карханада квалалахдин 6 чка арадал атанва.

Вири ихътин квалалахрихъ галаз санал, агъалийрин уьмуьрдин дережани хкаж хъана. Юкъван гъисабдалди квалалахдин гъакъи (са работникдин) 26,6 процентдин хкаж хъана ва ада 16510 манат тешкилна.

Район 2014-йисуз социаль-но-экономический рекъяй вилик финин виликамаз къунвай къилин нетижаяр гъа ихътинбур я. Чун вилик финин ериш йигинди ва мягъкемди хъун ва чун агакънавай дережа себеб яз чи районэгълийрин уьмуьрдин дережа хкаж хъун алатай йисан къилин нетижа хъана. Алукънавай 2015-йисузни чна зегъметдин ериш зайифар тавуна квалалах давамардайдахъ, районэгълийрин агъваллувал ян тагана хкаж жедайдахъ келелай инанмишвал ийиз кланзава.


Гъевесдин чешме

БИЛБИЛРИН хуьруьн юкъван школадин урус ч'алан ва литературадин малим Ашурбекова Рагъимат Алиевна ученикар патал акьалт' тийидай энергиядин ва туьхуьн тийидай гъевесдин чешме я. Ада вич патал чирвилерин ва хъсан-вилини рекъиз элкъвенвай школада к'валахиз 20 йис хъанва.

Рагъимат Алиевна патал аяларни руьгъламишунин чешме хъанва. Ада гъисабзавайвал, гъар са аял вичин жуьре бажарагълу

я. Анжах ам къат'лана, анжах дуьздал акъудун патал адаз куьмек гана к'анда. И кар патал гъар са аял к'ан хъун чарасуз я. Аялриз фикир гуни ва абур к'ан хъуни, абурун рик'ин мурадар чир хъуни Рагъимат Алиевнадиз к'валахда къакъан нетижаяр къазанмишдай мумкинвални гузва. Адан ученикри райондин конкурсра ва олимпиадайра призовой чкаярни къазва.

Ашурбекова Рагъимата вичин педагогвилини тежрибадикай к'валахдин юлдашриз-



ни ашкъидалди суьгъбетар ийизва: интегрированный ачух тарсар тухузва, поэзиядин вечерар, к'елдайбурун конкурсар, викторинаяр, литературадин мугъманханаяр тешкилзава.

Рагъимат Алиевна «Йисан малим -2015» конкурсдин иштиракчи я. Ада «Загадки» темадай тухвай тарс журидин членрин, гъак' ученикрин фикирда яр-гъалди амукъдайди хъана. Ада гъисабзавайвал, инсан-вилини гъакъикъи шадвал маса касдиз шадвал гъайила ийиз жеда.

К. УРУЖЕВА,
РМК-дин методист.



2015-

	Январь	Февраль	Март	Апрель	Май	Июнь
Пн	5 12 19 26	2 9 16 23	2 9 16 23 30	6 13 20 27	4 11 18 25	1 8 15 22 29
Вт	6 13 20 27	3 10 17 24	3 10 17 24 31	7 14 21 28	5 12 19 26	2 9 16 23 30
Ср	7 14 21 28	4 11 18 25	4 11 18 25	1 8 15 22 29	6 13 20 27	3 10 17 24
Чт	1 8 15 22 29	5 12 19 26	5 12 19 26	2 9 16 23 30	7 14 21 28	4 11 18 25
Пт	2 9 16 23 30	6 13 20 27	6 13 20 27	3 10 17 24	1 8 15 22 29	5 12 19 26
Сб	3 10 17 24 31	7 14 21 28	7 14 21 28	4 11 18 25	2 9 16 23 30	6 13 20 27
Вс	4 11 18 25	1 8 15 22	1 8 15 22 29	5 12 19 26	3 10 17 24 31	7 14 21 28

2014-ЙИС ВУН ПАТАЛ ГЪИХЪТИНДИ ХЪАНА?



ИСАКЪОВ
Исакъ Сефералиевич
МФЦ-дин руководитель.



ЧИ РАЙОНДИН лап жегил гзаф везифайрин центри 2014-йисуз «Лап хъсан МФЦ» номинациядай республикадин конкурсда сад лагъай чка къун, зун «Лучшая практика управления персоналом в МФЦ» номинациядай гъалибчи хъун, гьелбетда, шадвал ва гъахълу дамах ийидай кар я. МФЦ-диз къвезвайбур чи кваллахдилаи рази яз хъфизва, кваллах гъа икI давамарун чи фикирни я.

МФЦ-дин пландик вири хуьрера кваллахдин чкаяр ачухун гала. Ахпа хуьрерин агъалийриз райцентрдииз атун герек амуькдач. Вири месэляяр чкадал гьалда.



ЗАКУЕВА
ГЮЛМИРА АБДУЛГЪАЛИМОВНА



Цийихуьруьн юкъван школадин урус чIаланни литературадин малим.

ЙИСАР чи физвай уьмуьр я. Гъавилай чун гьар са йис бегьерлуди ийиз, рикIе авай мурадар къилиз акъудиз алахъзава. 2014- йисни зун патал гъахътинди хъана.

2014- йисуз райондин «Чан алай классика» конкурсда зи ученица Арина Адиловади I- чка къуна. Им пуд йис я, ада галаз-галаз и агалкъун тикрариз. Бес гъа им малимди разивал ийидай, дамахдай кар тушни. «Йисан малим -2015» райондин конкурсда гъалиб хъунни зун патал еке агалкъун я. Исятда зи вилик илимрин академиядин ахтармишунрин институтда аспирантура акъалтIарунин важиблу месэла акъвазнаватIани, за идалай къулухъни вири конкурсра иштиракда ва жува тарс гузвай аялрин чирвилер хкажуниз къетIен фикир гуда.

И. КЪАДИМОВ

ЦИЙИ ЙИСУЗ

Виридалай хъсанди -
Халкъдиз сагъвал герек я.
Ислягъ уьмуьр Ватанда
Сагъвилелди гуьрчег я.

Пака чал чи несприн
Гаф текъвервал туьгьметдин.
Ашкъи, гъевес кутан къе,
Чи жегьилрик зегьметдин.

Майишатар галайвал
Яд къаналрай авахърай.
Халкъ ашкъилу ийиз чи
Багъ-бустанриз алахърай.

Гегьени чуьлда къуьлер цаз,
Халкъдиз ризкъи бул хуьрай.
Емиш, майва дигмиш жез
Чаз бегьерлу зул хуьрай.

Садни чаз са лишанлу
Вахт ава халкъ уяхдай,
Пудкъанни цIуд йис хъайи
Юбилейдал дамахдай.

Ам сувар я Ватан чи
Пис цIаярай акъатай.
Гужар эхна къуд йисуз
Гъалиб хъана акъатай.

Мубаракрай виридаз
Халкъдин рикIер шад ийиз.
Гужлу хуьрай Ватан чи
Хуш ниятар сад ийиз.

Цийи йисуз районда
Крар вилик физ хуьрай.
Ислягъвилин, дуствилин
Муштулухар гъиз хуьрай.



	Июль	Август	Сентябрь	Октябрь	Ноябрь	Декабрь
Пн	6 13 20 27	3 10 17 24 31	7 14 21 28	5 12 19 26	2 9 16 23 30	7 14 21 28
Вт	7 14 21 28	4 11 18 25	1 8 15 22 29	6 13 20 27	3 10 17 24	1 9 15 22 29
Ср	1 8 15 22 29	5 12 19 26	2 9 16 23 30	7 14 21 28	4 11 18 25	2 9 16 23 30
Чт	2 9 16 23 30	6 13 20 27	3 10 17 24	1 8 15 22 29	5 12 19 26	3 10 17 24 31
Пт	3 10 17 24 31	7 14 21 28	4 11 18 25	2 9 16 23 30	6 13 20 27	4 11 18 25
Сб	4 11 18 25	1 8 15 22 29	5 12 19 26	3 10 17 24 31	7 14 21 28	6 12 19 26
Вс	5 12 19 26	2 9 16 23 30	6 13 20 27	4 11 18 25	1 8 15 22 29	6 13 20 27



ГЪАЛИБЧИЯР ТЕБРИКНА



25-ДЕКАБРДИЗ райондин администрациядин заседанийрин залда футболдай райондин чемпионатда гъалиб хъайибуруз пишкешар гуниз талукъарнавай шад мярекат кыле фена.

Ам сифте гаф рахуналди «Магъарамдхуьруьн район» МР-дин кыл Фарид Агъмедова ачухна. Вичин рахуна Фарид Загъидинович районда спорт вилик тухуникай, спортдиз кьетен фикир гузвайдакай, акъалтзавай несил спортдал рикл алаз чѳехи авуникай гегъеншдиз рахана ва районда спорт вилик тухуник чпин

лайхлу пай кутазвай ксариз чухсагъул малумарна.

Ахпа анал рахай чемпионатдин кылин судья Руслан Керимханова спортдин и жуьре районда кылинбурукай сад тирди лагъана ва ам вилик тухун патал тек са тренерин ваъ, гъакл хуьрерин администрацийрин кылерин чалишмишвилерни чарасуз тирди кьейдна. Ада гъакл са бязи хуьрерин стадионар авай гъалдикай и жигъетдай кваллах хъсанардай рекъерикай, кылди футболлистрин алакунрикай гегъенш информация авуна.

Мярекатдин эхирдай «Магъарамдхуьруьн район» МР-дин кылин тварунихъай 1-чка кьур Ярагъкъазмайрин, 2-чка кьур Къуйсунрин ва 3-чка кьур Гъепцегърин командайриз грамотаяр ва пулунин пишкешар гана. 1-чка кьур командадиз кубокни гана.

Чемпионатда тафаватлу хъайи виридалайни жегъил футболлар тир А. Велибеков (Къуйсун) ва Гъ. Ферзиллаев (Хужакъазмаяр), виридалай хъсан вратарь С.Азизов (Гъепцегъ), защитник Т.Къафаров (Хужакъазмаяр), полузащитник Р.Мукайлов ва чемпионатда 13 туп ягъай А.Назирова (Ярагъкъазмаяр) Гуььрметдин грамотайриз лайхлу хъана.

Везифайрив жавабдарвилелди

40-ЙИСАЛАЙ виниз районгълийрин сагъламвилин къаравулда акъвазнавай Магъарамова Роза Алимуратовнади вичин зегъметдин рехъ 1973-йисуз Дагъустандин медицинадин институт акъалтларайла Махачкъаладин 2- нумрадин больницада башламишна. Гуьгъуьнлай Магъарамдхуьруьн больницадиз гинеколог яз хтанай.

Вад йисалай Роза духтурдикай терапевт хъана. Роза духтурди кьени карчивилелди, пешедив рикл гваз эгечлуналди, гъар са азарлудан дердиникай хабар кьуналди кваллах давамарзава. Ам пешеди истемиззавайвал, азарлуйриз куьмек гуз алахънава. Гъар йисуз вишералди диспансеризациядиз къевезвай агъалийриз кьуллугъзава, азарлуйр чкадал къабулзава, кьекъевез тежезвай азарлуйрин патав квалериз физва, анализар чкадал къачузва, герек раб – дарман гузва. Алай йисуз 500 касдиз диспансеризация авуна.

Вичин везифайрив жавабдарвилелди эгечизавай, пешедин важиблувал гъиссзавай Роза Алимуратовнадин зегъмет ЦРБ-дин руководстводи ва здравоохранениедин министерстводи Гуььрметдин грамотайралди лишанлу авуна. «Виридалай багъа награда жува зегъмет члугур азарлуди



сагъ хъхъун, квачел акъалтун я», - лугъузва Роза Алимуратовнади.

Яргъал йисара агъалийрин сагъламвилин къаравулда акъвазнавай кез чухсагъул. Къуй идалай кьулухъни кьехъ вири инсанриз герек пешедал машгъул жедай кьуватар ва сагъвал хъурай, гуььрметлу Роза Алимуратовна!

А. АЙДЕМИРОВА.



Пешедиз вафалувал

*«Школада виридалайни ва-
жиблу гьерекаат, виридалайни
менфятлу предмет, вирида-
лайни чан алай чешне аял
патал малим жезва».*

А. ДИСТЕРВЕГ.

ГЪА ИХЪТИН малимрикай сад Магъарамдхуьруьн М. Гъажиеван тварунихъ галай юкван школадин сифтегъан класрин малим Атлуханова Лейла Абдурагъимовна я. Лейла малим гъа и школа акъалтIарайла ДГПУ-диз кIелиз фенай. 1995-йисуз университет агалкъунралди акъалтIарай ам хайи школадиз малим яз хтана.

Адалай инихъ 25 йис алатнава. Вири и йисара Лейла Абдурагъимовнади вичин пешедиз вафалувал къалурна. Хъсан чирвилер авай, вичин пешедал, аялрал рикI алай, кIвалахдив карчивилелди эгечIавай Лейла малимдин тарсар аялриз гзаф хуш я. Вичин тарсара ада жуьреба-жуьре пособияр, слайдар-презентацияр, видеопроектар ишлемишзава. Лейла малимди аялрихъ, абурун диде-бубай-

рихъ галаз хуш рафтарвал хуьзва. Аялрин зигъин ачухаруниз, абурун чирвилер хкажуниз къетIен фикир гузва.

Лейла Абдурагъимовна школадин сифтегъан классрин малимрин методический объединениедин руководителни я. ШМО-дин заседанийрал кIвалахдин тежрибадикай, методический литературадин цийивилерикай гегъенш веревирдер ийизва. Ам школада, районда тухузвай конкурсрин, олимпиадайрин иштиракчини я.

«Аялрал рикI хьун, абурал рикIивай алахъун, абур клан хъана жувни абурукай сад яз къун»- ингъе Лейла малимдин девиз. Гъа ихътин фикирдал алаз кIвалахзавай малимдиз аялрини чIехи гъурмет ийизва.

«Йисан малим-2015» райондин конкурсда иштираккай Лейла Абдурагъимовна 2-чкадиз лайихлу хъана. Къуй идалай къулухъни вахъ чандин сагъвал, кIвалахда агалкъунар ва уьмуьрдин хушбахтвал хъурай, гъурметлу Лейла Абдурагъимовна!

Н. КЪАЗИЕВА,
РМК-дин методист.

КУЛЬТУРАДИН ЙИС ВА КУЛЬТУРАДИН ЦЕНТР

2014-ЙИСУЗ Россиядин халкъарин адет хъанвай культурадин Центрдin кIвалах асул гъисабдай культурадин Йис патал тайинарнайва кIвалахар кIиле тухунихъ рекъе туна. Центрда тематический вечерар, машгур ксарихъ, писателрихъ ва шаиррихъ, дяведин ва зегъметдин ветеранрихъ, аскеррихъ-интернационалистрихъ галаз гъуруьшмиш хьунин вечерар тухвана. Месела, РФ-дин лайихлу артист, РД-дин халкъдин артист, чи районгъгли Абдуллагъ Гъабибован яратмишунриз талукъарнайва вечер яргъалди рикIел аламукъдайди хъана.

Центрдин работникрiz лишанлу йикъариз, профессиональный суварриз талукъарна межлисар къурмишун, жуьреба-жуьре конкурсар, къугъунар тешкилон адет хъанва. Центрдin фольклордин коллективди райондин сергъятрилай яргъа кIиле физвай фестивалра агалкъунралди иштиракзава. Россиядин адет хъанвай культурадин Центр ачухдайла Магъарамдхуьре кIиле фейи республикадин халкъдин яратмишунрин «Самурдин зул» фестиваль халисан сувариз элкъвена. Симинин пагъливанри ва зурнечийри яргъал тир Самара шегъердани чпин уstadвилелди вири гъейрарна.

Алукънавай Цийи йисузни Центрдin работникри гъа икI давамардайдахъ инанмишвал ийиз кланзава.

*Чан масан бицIи бацIи,
Гъана на чаз йис Цийи.
Са йисан чун мад чIехи
Жеда вахъ галаз вири.*



*Цийи йисан паярни
Хушвилелди къабулда.
Дидед гайи тарсарни
Лап рикIивай гъазурда.*



2015 ❄ Цегьрен йис ❄ 2015

ЦИЙИ ЙИСАН сувар алуьнава. Рагъэкъечдай патан календарди тестикъарзавайвал, 2015- йис вили кларасдин Цегьрен ва я Хипен йис я. Суал къвезва: Цегьренди яни, тахайтла Хипенди? Идан гъакъиндай лап къадим къиса ава. Са сеферда Буддади вич хайи йикъан межлисдиз вири гъайванриз эверна. Суварик атун патал йисан мекъи вахтунда гъайванар са члехи вацлай экъечлна кланзавай. И кар виридалай алакънач. Разивилин лишан яз, атай гъар са мугъмандиз Буддади са йисуз пачагълугъ идара авун пишкешна. Сад лагъайди яз Къиф ата-на. Адаз пачагълугъ идара авунин сад лагъай йис гъатна. Ахпа амай гъайванарни са-сад акъатна. Ирид лагъайди балклан хъана. Ахпа вац къалин цифеди къуна. Гъавилай муьжуьд лагъайди яз вуж атанатла-Цегъ ва я Хеб къил акъатнач. Ингъе гъавилай цликъвед йисан циклдин муьжуьд лагъай йисуз абурру пачагълугъ санал идара ийизва.



гъуяр ва кат-калтугунар тимил пишкешдач. Уьмуьрдин вири хилера гуьзлемиш тавур дегишвилер арадал атун мумкин я. Зиринг гъайван виринриз гъахьда.

Эгер акъатай секин, такабурулу Балкландин йисав гекъигайтла, 2015-йис лап дибдай масад жеда. Члехи планар ягъун лазим тушфад туьнт жедай Цегьре крчар атумарна вичин жуьре терсвал авун мумкин я. Куьн планар тадиз дегишаруниз мажбур жеда. Амма, Китайдин календардин амай лишанар хъиз, Цегьрез дуланажагъдин хъсанвал, четинвилер тахьун, сад-садан гъавурда акъун ва агалкъунар хъун хуш я. Квез мурадлив агакъиз куьмек гуз чалишмиш жеда. Амма адан къайдаяр жуьреба-жуьре я, гъар са касдиз хуш тахьунни мумкин я. Гъар гъик ятлани, Цегьрез хушвилелди килигун герек къвезва.

Секинвал Цийи йисуз гуьзлемиш тавуртлани жеда. И кар пис я ни лагъана? Къуьнер юзура, майдандиз экъечл. Неинки къвалин, гъакл фикиррин ва хуси бедендин ми хъивиликай фикир ая. Амалдар Цегьревай анжах хъсанди къачу. Эгер Квевай терс ва зиринг гъайван муьтлуьгъриз хъайитла, 2015-Цегьрен йис хъсанди ва таьсирлуди жеда.



КИТАЙДИН календарди йис къезилди, гъална кланзавай месэлаяр галачирди хъун хиве къазвач. Терс Цегьре чаз къай-

ЙИСАН ЦИЙИВАЛ

САГЪАРАЙ ГЪАКЪИДИН СПРАВКА ГУДА

2015-ЙИСАН январдилай РД-дин медучрежденийра начагъбуруз гайи медицинадин куьмекдин гъакъидин къадардин гъакъиндай справкаяр гуда. Цийи къайда сеbeb яз гъар са начагъда, стационарда ва я амбулаториядин учрежденияд сагъар хъувурдалай къулхъ, медицинадин документациядиллай ва больничный листинилай гъейри сагъардайла къачур медицинадин куьмекдин гъакъидин къадардин гъакъиндай справкани къачуда.

Справка сагъарай вахт ва гъакъидин къадар къалурда. И справка финансовый документ туш. Ада ОМС-дин полисдай ам сагъар хъувун государстводиз куьн акъвазнатла гъакл хабардар ийизва.

Ю.БАЛАБЕКОВ,

РД-дин ТФОМС-дин
Магъарамдхуьруьн филиалдин
директор.

УЧЕБНЫЙ ТРЕВОГА

ЦИЙИ йисан вилик районда авай ОНД-ди 24-нумрадин пожарный частунин, полициядин ва тади куьмекдин къуллугърихъ галаз санал Магъарамдхуьруьн 1-нумрадин юкъван школада клелзавайбуру ва къвалахзавайбуру дараматдай акъудунин учебный тревога къиле тухвана.

Ученийрин вахтунда, виликамаз къалурнавайвал, 24-нумрадин пожарный частунин къутармишдайбуру школадин дараматдин 2- мертебада авай «хасаратвал» хъанвай аял епинай чилел авудуналди къутармишна ва гъасятда агакъай тади куьмекдин къуллугъди адаз куьмек гана.

Къилин
редактордин
А. ИСМАИЛОВ.

Газет гъафтеда
садра акъатзава.

Газет Магъарамдхуьруьн райондин администрацияда регистрация авуна.

Регистрациядин № 301.

Редакциядин адрес: Магъарамдхуьр,
Ленинан куьче, 4.

Телефонар: редактор- 25-1-37, жавабдар
секретарь - 25-1-39, бухгалтер-25-9-69.

Чап ийиз вахкудай вахт - 16.00.

Чапун патал къул члугуна- 15.00.

Газет ООО «Самур» типографияда гъазурна ва гъана чапна. 368780. Магъарамдхуьр, Ленинан куьче, 4. Лезги члал.

Индекс 63340. Тираж 1458.
Заказ № 1.

+7